

FOKUS

Oleh **Mohamad Hussin**
mohamad_hussin@hmetro.com.my

Pertanian bandar (urban farming) atau aktiviti berkebun bukan berasaskan keuntungan yang diamalkan di negara maju memberi nilai tambah kepada masyarakat kota.

Kini konsep itu semakin diterima di negara ini bagi mengurangkan perbelanjaan bulanan berikutan peningkatan kos sara hidup.

Aktiviti berkebun ini sedikit sebanyak dapat membantu golongan berpendapatan rendah mengurangkan perbelanjaan dapur dengan menggunakan hasil tanaman mereka.

Penulis berkesempatan melihat aktiviti Kebun Komuniti inisiatif Majlis Perbandaran Subang Jaya (MPSJ) melalui komuniti setempat di bawah pentadbirannya.

Penolong Pengarah Landskap, Jabatan Landskap MPSJ, Ramzi Mohamed Lazim berkata, program Kebun Komuniti diluluskan MPSJ pada Julai 2013 dan dilancarkan di tapak perta-

ma di Pangsapuri Garnet, Puchong, pada 3 Oktober 2013.

Beliau berkata, sehingga kini terdapat 20 komuniti terbabit iaitu empat komuniti perumahan bertingkat manakala selebihnya perumahan teres dan banglo.

"Bagi kumpulan masyarakat yang perlu dibantu, MPSJ menyediakan tapak, tanah dan struktur plot asas. Benih pokok peringkat pertama turut diberikan.

"Bagi kumpulan masyarakat yang berdaya saing serta mampu, mereka dibenar melaksanakan sendiri dengan syarat ditetapkan.

"Bagaimanapun, MPSJ bercadang meneruskan inisiatif ini sekali saja sebagai pengenalan. Selepas tempoh itu, program diteruskan dengan inisiatif kumpulan masyarakat sendiri di bawah kebenaran dan penguatkuasaan," katanya.

Ramzi berkata, program Kebun Komuniti MPSJ adalah aktiviti perkebunan oleh kumpulan masyarakat yang menghargai ruang taman.

"Ia mendidik amalan berkebun secara mampan, membina semangat kemasyarakatan di kawasan bandar selain menjadi sumber bekalan hasil pertanian bagi kegunaan sendiri.

"Konsep seperti ini juga



PENDUDUK Pangsapuri Garnet membersihkan kawasan kebun.



RAMZI (dua dari kiri) berbincang dengan penduduk Pangsapuri Garnet.



AHMAD Fauzi membersihkan para tanaman.

berkata, penduduk menyambut baik langkah MPSJ mewujudkan program berkenaan.

"Ia dapat membantu mengeratkan hubungan sesama penduduk apabila bekerjasama di kebun. Di sini masing-masing dapat memberikan idea mengenai sesuatu tanaman yang hendak ditanam.

"Sejak pembukaan kebun ini, kami sudah menanam pelbagai sayuran dan herba untuk kegunaan penduduk. Antaranya bendi, kacang panjang, sawi, timun, daun kunyit, ulam raja, kubis, serai, cili padi, belalai gajah dan sebagainya.

"Aktiviti ini sangat baik dan perlu diteruskan sampai bila-bila. Walaupun penduduk diberikan plot tanah masing-masing, kami boleh bertukar tanaman yang diusahakan," katanya.

Penduduk, Rohani Ibrahim, 53, menanam pelbagai jenis sayuran dan herba, antaranya pokok meranti, daum kesum dan cekur.

"Sejak membabitkan diri di kebun ini, saya dapat menjimatkan kos perbelanjaan dapur kira-kira 20 peratus. Kos sara hidup yang makin tinggi membebankan saya sekeluarga," katanya.

Pengerusi Badan Pengurusan Bersama (JMB), Pangsapuri Cendana Chengal PKNS, Seri Kemangan, Mohd Farid Mohd Nasir, 56, berkata, kerjasama penduduk antara faktor kejayaan Kebun Komuniti di kawasan itu.

"Aktiviti berkebun bukan saja untuk bercucuk tanam, malah penduduk dapat berkumpul walaupun masing-masing sibuk bekerja," katanya.

Ahmad Fauzi Sharif, 49, yang bekerja di Universiti Putra Malaysia (UPM) banyak membantu penduduk mengenai asas tanaman sayuran termasuk pemilihan baja dan benih.

"Pengalaman saya dapat membantu jiran yang tidak pernah bercucuk tanam. Malah, mereka yang tiada asas pun kini menunjukkan minat untuk bercucuk tanam," katanya.

Suri rumah, Zarinah Mohd Sabrun, 51, berkata, setiap kali hendak memasak, dia akan memetik saja sayuran di kebun berkenaan.

"Saya dapat jimatkan belanja dapur kerana di kebun ini ada semua jenis tanaman yang kita makan. Tidak perlu lagi ke kedai semata-mata mahu membeli daun kari atau kunyit," katanya.

Info

Projek Kebun Komuniti MPSJ

- Penggunaan tapak diluluskan.
- Penerimaan komuniti.
- Pemilihan peserta dengan adil.
- Aduanji peserta dengan Majlis dilengkapkan.
- Persediaan tapak dan tanah.
- Penyediaan asas dan petak.
- Mendengar taklimat teknik penanaman daripada pakar.
- Bekalan anak benih.
- Penyediaan 'shed house'.
- Penyediaan sistem tuai air hujan.
- Penyediaan bangku riadah.
- Lawatan pegawai secara berkala ke tapak.



KAWASAN lapang pangsapuri dijadikan kebun sayur.



KAWASAN kebun yang bersih dan tersusun.



RAMZI (empat dari kiri) berbincang dengan penduduk Pangsapuri Cendana.



POKOK betik hidup subur.



PENDUDUK Pangsapuri Garnet membetulkan tanaman sayuran.

JIMAT BELANJA, BADAN SIHAT

Usaha MPSJ wujudkan kebun komuniti di kawasan perumahan membuah hasil

FOTO: AMIRUDIN SAHIB